

Nanu Travel 2019-imi kiffartuussinissamik isumaqatigiissuteqarfigineqarnera

Aalajangiiffigisassaq

J nr: 73.15-A00-19-18

Suliffeqarfimmut kiffartuussineq - kommunaldirektøri Lars Møller-Sørensen / LMS

Suliassamik eqikkaaneq

Kommuneqarfik Sermersuup Nanu Travel sullissinissamik isumaqatigiissuteqarfigivaa ukiumiit ukiumut isumaqatigiinniutigineqartartussamik. Sullissinissamik isumaqatigiissutip Nanu Travel pisussaaffilerpaa takornariaqarneq pillugu paasissutissiinermik aamma Ittoqqortoormiini takornariaqarnermik siuarsaataasunik sulianik ingerlatsinissaanut. Kiffartuussinissamik isumaqatigiissuteqarnermi Ittoqqortoormiini takornariaqarikkut siuarsaataasumik suliaqarnermik tapersersuinissaq siunertaavoq.

Aningaasaqarnermut Inuusutissarsionermullu Ataatsimiititap 2018-imi novembarip ulluisa 8-ianni ataatsimiinnermini suliaq akuersissutigivaa Kommunalbestyrelsimullu inaarutaasumik akuersissutigisassanngorlugu ingerlatseqqillugu.

Inassuteqaat

Aningaasaqarnermut Inuusutissarsionermullu Ataatsimiititap Kommunalbestyrelsimut inassutigivaa:

- timmisartuussinermi atugassarititaasut Namminersorlutik Oqartussanut oqaluuserineqartussanngorneqarnissai akuerineqassasoq.

Suliassamik saqqummiussineq

Kommuneqarfik Sermersuup Nanu Travel sullissinissamik isumaqatigiissuteqarfigivaa ukiumiit ukiumut isumaqatigiinniutigineqartartussamik. Sullissinissamik isumaqatigiissutip Nanu Travel pisussaaffilerpaa takornariaqarneq pillugu paasissutissiinermik aamma Ittoqqortoormiini takornariaqarnermut siuarsaataasunik sulianik ingerlatsinissaanut. Nanu Travel takornariartitsinermik suliffeqarfiuvoq namminersortoq, Islandimeersumit Nonni Travel-imit pilersinneqarsimasoq.

Ineriartortitsineq Piujuartitsinerup ulloq 31, oktobari 2018 Kommuneqarfik Sermersuup aamma Nanu Travel ApS-ip akornanni 2019-imut kiffartuussinissamut isumaqatigiissummut najoqqutassaq tiguaa. Najoqqutassaq tunngavigalugu Ineriartortitsineq Piujuartitsinerlu 2019-imi kiffartuussinissamut isumaqatigiissummut siunnersuusiorpoq

Nanu Travel ApS-ip kiffartuussinissamut isumaqatigiissummik naammassinninnissaa qulakkeerniarlugu kiffartuussinissamut isumaqatigiissut ersarissumik periuseqarnissamik imaqarpoq. Nanu Travel ApS Ineriartortitsineq Piujuartitsinermullu Allatseqarfimmut ataavartumik kvartalikkuaartumik, aaqqissuussanik nassuiaatitalimmik, nalunaarusiortussaataavoq. Nanu Travel ApS aaqqissuussanik, kiffartuussinissamut isumaqatigiissutaasimasunik, ingerlatsinngikkaangat kiffartuussinissamut aningaasaliissutit ilanngarneqartassapput, taamaalilluni aaqqissuussat 2019-ip naannginnerani naammassineqarpata naammassineqarsimappataluunniit aatsaat akiliineq pisinnaassaaq .

2019-imut kiffartuussinissamik isumaqatigiissummi Nanu Travel ApS pisussaaffilerneqarpoq, Ittoqqortoormiini eqqaanilu takornariaqarnermi siursaanissamut iluaqutaasussanngorlugu uku suliarissallugit: 2019:

- Ittoqqortoormiini takornarianut paasissutissiivittut atuuttussamut

- Ittoqqortoormiit kiisalu Nuna Eqqissisimatitaaq pillugu nunarsuarmit tamanut mailikkut akissuteqartarnej.
- Takornariat uteqqikkusuttut takornariassamaartullu akornanni attaveqatigiinneq.
- Angalanissanut, ukiumi (qimusserneq, qamuterallannik angallanneq), aasami (umiatsiamik angalaarnanut, qajartornanut, pisuttuarnanut) piareersaanerit
- Inissianik B-186 aamma B-195-mik aserfallatsaaliinerit..

Maluginiarneqarpoq Nanu Travelip kiffartuussinissamik isumaqatigiissutissamut siunnersuutaani kiffartuussinermut akiliutigineqartoq 400.000 koruuninut qaffanneqarnissaa siunnersuutigineqartoq suliat maannamut naammassineqartartut assingisa suliarineqarnissaannut. Nanu Travel nassuiaavoq, tamanna ukiorlussimaneranik pissuteqartoq aammalu Nanu Travelimit kissaatigineqartoq 100.000 koruuninik ingerlatsinermut qinnuteqaateqartoqassasoq amigartoorutigineqartunut matussutissanik (takuuk ilanngussaag 4).

2019-imut Kiffartuussinissamut isumaqatigiissummut siunnersuut kiisalu Nanu Travel ApS-ip 2019-imut kiffartuussinissamut isumaqatigiissummut najoqqutassialiaa suliamut ilanngunneqarput.

2018-imi Nanu Travelip suliaasa killiffiat

Guidejob (angallassisartutut sulineq) aamma eqqumiitsuliortutut sulineq aqputigalugit ilaqutariippassuit takornariatitsinermiit isertitaqarput.

2018-imi kvartimi siullermi inuit Ittoqqortoormiini 10-nit amerlanerusut (37 %) toqqaannartumik takornariatitsinermiit namminneq iluanaaruteqarput.

Ukiuunerani takornariatitsineq

2018-imi Nanu Travel ukiuunerani takornarissat Nordlandairs-ip timmisartuutaani inissaaleqissuttarnerinik ajornartorsiuteqartarsimavoq. Mette Barsalej, Nanu Travelimi pisortaaneq, Nordlandair oqaloqatigivaa, kisianni Nanu Travel naapertorlugu pisup pitsanngoriaateqarnissaa ilimanangilaq.

Ukiuunerani angalanerit tunisat:

Qimussimik angalanerit 40-t, angalanerit assigiinngiiaartumik sivissusillit, ilai akunnerit pingasut ilaalu ullut 12-nik sivissusillit.

Qamuterallannik angallassinert 18-eriarluni

Aasaanerani takornariatitsineq

Kvartalit pingajuanni umiarsuit takornarianik angallassisartut katillugit 26-it tikissimapput. Ukioq manna ilaasut amerlassusaat tassaasimapput 2283.

Taakkununga umiarsuarmit ataatsimi inuttat 15-20-t missaanniinnissaat naatsorsuutigineqarpoq.

Taamaattumik umiarsuit takornariartaatit nunamut talissimasut ilaasui 2673-it missaanniissapput.

Taakkua saniatigut tissiartaatillit 17-it tikissimapput, taakkulu Nanu Travelimit imaani isumannaatsuunissamiit nannut ulorianarsinnaanerannut ilitsersuussutigineqartarpoq.

Aasaanerani angalanerit tunineqartut:

Umiatsiamik angalanerit 39-t sumiiffimmi piniartunit/sunngiffimmi piniartunit isumagineqarsimapput.

Aallaasinik, qimminik aammalu satellittelefonit attartortinneqartarput nannunut sillimaniarnermut.

Aallaasersornermik pikkorissaaneq (pisariaqarpoq nannunut imminut illersornermi).

Taakku saniatigut Nanu Travel ukioq naallugu takornarianut paasissutissanik suliaqarsimavoq, takornariartaassuarmit ataqatigiissaarisimallunilu taakkununga sammisassaqartitsisimavoq.

Erseqqissumillu immikkut sillimaniarnissaaq pillugu paasissutissiisarpoq, nannut

ulorianartuusinnaanerit pissutigalugu. Tamanna pillugu Nanu Travel takornarissat tungaanniit ilisimasaqannginnerujussuaq misigineqartarpoq.

Tunisassianik ineriartortitsineq

Ukiuunerani takornariaqarneq: Ukioq manna nannunik takornariartitsineq nioqqutitut ineriartortinneqarsimavoq. Nioqqutigineqartoq qamuterallannertaqarpoq najukkami angallassisartumit sumiiffimmilu illuaqqami unnuinertaqarpoq, nannunik takunissamut periarfissaqartumi. Taamatut angalaneq assut iluatsissimavoq, tamaani nannut amerlaqimmata. Nanu Travel malillugu tikeraanit tuniniagaq taanna assut tigulluarneqarsimavoq, misigisassaq taanna asseqanngitsuummat.

Aasaanerani takornariaqarneq: Ukiup tulliani Nanu Travel umiarsuarmik takornariartaatinut ilaasunut qulimiguulimmik minutsini 25-30-ni tamatuma eqqani timmisartuussinermik aallartitsiniarpoq.

Sulisut

Aalajaatsunik sulisoqarnissaq pisariaqarpoq, aamma oqaatsitigut sulisut qallunaatut tuluttullu qaffassarneqarnissaat.

Aaqqiissutissatut siunnersuut – suliatiqut naliliineq

Ingerlatsivimmit Nanu Travel ApS-imik kiffartuussinissamut isumaqatigiissut siunissami Ittoqqortoormiini, najukkami innuttaasunut inuussutissarsionermullu iluaqutaasumik, takornariaqartitsinermut aaqqiissuussat amerlissasut nalilernerqarpoq.. Ingerlatsivimmit Nanu Travel ApS-imit kvartalikkuaartumik nalunaarusiat Ineriartortitsinermut Piujuartitsinermullu nassiunneqartalernerisigut aaqqiissuussat uuttorneqarsinnaanerata takuneqarsinnaanerallu pitsaanerulissasoq nalilernerqarpoq.. Aammattaaq Ineriartortitsineq Piujuartitsinermiillu nalilernerqarpoq, kiffartuussinissamik isumaqatigiissut suleqatigiinnissamut isumaqatigiissummi qitiutinneqartunut naapertuuttusoq, uani kommune tamakkerlugu takornariaqarnikkut inuussutissarsionerup siuarsarneqarnissaanik peqataasariaqarneq eqqarsaatigalugu.det. Nalilernerqarpoq niuernerpalaartumik ingerlanneqartup amigartoorutai kommunimit matussuserneqarnissaat ajornakusoortuussasoq, taamaattumik innersuussutigineqarpoq 300.000 koruuninik akiliuteqarnissap aalajangiusimaannarnissaa.

Aningaasaqarnikkut sulisoqarnikkullu naliliinerit

Kiffartuussinissamut aningaasaliissutit 300.000-inik annertussuseqarput, Kommuneqarfik Sermersuullu 2019-imut missingersuutaanut ilaallutik. Ataatsimiititap Nanu Travelip 100.000 koruuninik apeqquteqaateqarnera akuerissaguniuk, taava aningaasat taakkua Tunumi takornariartitsinermut immikkoortitat ikililernerisigut nassaarineqarsinnaapput.

Inatsisitigut tunngavissaq allakkallu tunngaviusumik uppersaatitallit

Inuit Ataqtigii Demokraatillu 2017-imiit 2021-mut suleqatigiinnissamut isumaqatigiissutaat Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminut periarfissaat pillugit Inatsisartut Inatsisaat nr. 23, 18, decembari 2003-meersoq.

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq.

Ingerlariaqqinnissaq

suliaq akuersissutigisassanngorlugu Kommunalbestyrelsimut ingerlateqqinneqassaaq. Akuersissutigineqariapat Nanu Travel kiffartuussinissamik isumaqatigiissut naapertorlugu kiffartuussinissamut aningaasaliissutinik 2019-imi kittaartumik akilernerqartassaaq, Nanu Travelilu suliati pillugit kvartalikkuaartumik nalunaarusiortassalluni.2019. Aningaasaqarnermut Inuussutissarsionermullu Ataatsimiititamit Nanu Travel ApS-imut kiffartuussinissamut isumaqatigiissut 2019-imoortoq akuerineqarpat, Nanu Travel ApS-ip aaqqiissuussai ataavartumik kvartalikkuaartumik nalunaarusiatigut Ataatsimiititap ilisimatinneqartassaaq. 2019. Kvartalikkuaartumik nalunaarusiat 2018-imi 1, 2 aamma 3 suliame ilanngussatut ilanngunneqarput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqartinniarneqanngilaq.

Innuttaasunik peqataatsineq/attaveqaqatigiinneq

Soqanngilaq.

Ingerlatsivinnit allanit oqaaseqaatit

Soqanngilaq.

Siusinnerusukkut aalajangerneq

Aningaasaqarnermut Inuussutissarsiornermullu Ataatsimiititap aalajangernera 8. novembari 2018-imeersoq:

Inassuteqaatit akuersissutigineqarput.

Ilanngussaq

1. Nanu Travel ApS-ip aamma Kommuneqarfik Sermersuup akornanni 2019-imut kiffartuussinissamut isumaqatigiissutissaatut siunnersuut.
2. Nanu Travel ApS-ip aamma Kommuneqarfik Sermersuup akornanni 2019-imut kiffartuussinissamut isumaqatigiissut.
3. Nanu Travel ApS-imit 2019-imut kiffartuussinissamut isumaqatigiissutissamut najoqqutassaq.
4. Nanu Travelip kiffartuussinissamut tapiissutissanik amerliliisoqarnissaanut tunngavilersuutaa
5. 2018-imi kvartalimi 1-imi Nanu Travelip nalunaarusiaa.
6. 2018-imi kvartalimi 2-mi Nanu Travelip nalunaarusiaa.
7. Norlandair-imit ataatsimeeqateqarnermiit imaqarniliaq
8. 2018-imi kvartalimi 3-ani Nanu Travelip nalunaarusiaa